

安徽府縣志輯

中國地方志集成

光緒宣統間州志

中國地方志集成

安徽府縣志輯 ⑦

光緒直隸和州志



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯⑦

出版發行 江蘇古籍出版社

社址：南京市中央路一六五號

發行部電話：〇二五—三三三三四六二

郵編：二一〇〇〇九

印刷 上海市印刷七廠

定價 二二三三元

1998年4月第1版第1次印刷

ISBN 7—80519—964—7/K·443



光緒直隸和州志



(清) 朱大紳 修
(清) 高照 纂

本書四十卷首一卷補遺一卷，據清
光緒二十七年（一九〇一）活字本影印。

和州志序

友人譚復堂篤嗜章實齋書至謂先生論文與船山論治等其向往博學直同枕中論衡補遺取讀之其妙良可謂曲盡既儀其說尤欲盡觀他著以證慰夙昔泊承乏皖南簿書多暇頗以流布秘籍餉遺學子黑龍江西藏各志以次刊布和郡密邇所部郡舊有先生所著志求之故家邇焉無得最後得郡先達京兆陳君所爲典錄京兆號雅是編撰錄亦矜慎然京兆意存遺軼故詩筆雜事擬有存者而兵食大政反在所缺夫方志之體所以彌

直隸和州志

序

一

綸彝憲俾因草之迹繇乎遐紀激揚芬烈興觀不遠與雅頌同使第甄采藝文範模山水斯固文儒之雅範而要非治國聞者所有事也和郡爲淮泗輿區山川萃輦卓乎重鎮其幽異深邃仙真靈跡往往而存文昌于湖風流於來葉讀夢得廳壁之文介甫紀遊之作幾令人欲舍簪紱而從之遊侵尋數年事與意阻名山層城帽帽心目今年春門下士張君學寬郵寄所與友人高君重撰州志讀其書凡犖犖大者皆足備典章昭法鑑而殘碑墜簡亦不廢陳氏所述至摭殘綴逸必爲徵幟不敢

以區區之長加乎先輩又何慎也通人龔定菴有

言所貴重修者謂將糾舊誤補曩闕亮非抄襲承沿而已詳近之作率域於隙隅鮮觀衡路匪直安于苟簡正復貽誤方來紙墨無知任其錯布夫國家之制國史取之一統志一統志取之省志省志取之府州志是今日之志異日之史也顧乃約舉取捷罔知宏矩廢先正之典文翳光明于留爽使夫忠清儒雅隱逸幽貞之士女生有聞於時死無傳於後恐仁人碩士之用心不若是焉耳矣今二子之所述其於古人之義法未知何如要其免

直隸和州志

卷首 序

二

於斯譏也決矣嗟乎斯文未喪必有英特領袖之者章氏尙矣斯編儻亦中郎之虎賁也夫光緒庚子春三月芳郭里人袁昶書於京邸

和州志序

和州志高君鑑伯所撰次也君幼秉穎異讀書不由師授輒洞明大義服賈家累千金或以公舉散去亦無所於惜事親蒸蒸色養教子弟出入有家法作文頃刻數千言立就然自知不能中有司尺度不就試援例入大學又援例爲州司馬官資少不能履任益自勵於文學所居濱大江嘗遭水出資數百金捍之健石下土一以己意創新法用方寡而成功多可爲言水利者取則州守上其事撫公以好義急公榜其閭親族待以舉火者數十家

直隸和州志

卷首 序

皆無告者尤好節義事聞奇節異行輒作傳紀之積百十篇其感激道宕有勾庭壯悔之道陳孝廉少甫題其卷曰闡幽集留心掌故嘗以舊志蕪漏爲攷證數萬言補訂數萬言稿未屬會宜興朱公笏堂來守是郡欲爲重纂君聞則大喜條具事例并陳文獻將墜乞募捐開局朱應其議而憚於募捐蓋先是郡嘗有修作州守募捐成其事既而當事者大擾聞里爲感額故朱公懲焉君雖不得請而心服朱公仁恕乃以已資白朱公開局郡城集寫手繕稿未竟而朱公去位今太守德清童公

嗣其事童爲政長於治盜亦聞以文學飾吏治君

又以所撰千之童自以署理不久當受代恆汲汲捐輸賦役不暇給見君書則請刪所改撰舊志而刻其道咸以下爲別軼增舊志君不欲損所撰謝焉而童亦別開局檄少尉沈君董其事延郡學生其中朝夕伸紙和墨凡數閱月亦頗糜公家錢資膏火而志固未就也君既以所陳不見用又重惜志業不就使家國之典章鄉邦之遺軼黯然就燼終不得見其崖略乃歸而謀諸弟召手民日夕排比歷二歲而告成其文備天人之故通古今之變

直隸和州志

卷首 序

二

即今之燦然數十巨冊者是也寬於君爲姻家世好得與排纂之役并爲訂著補撰一二故得悉其顛末因爲志之如左君之書更數守將行矣已而竟不用蓋屬有人焉於其間亦非盡數守之意也然向之尼君者如烟之飛如電之掣行且與滔滔者共盡而君之所成乃榮華如是世士之齷齪卒何所加損於君之毫末也哉世之渴於義而憂其無飲者可以自壯矣君所撰有古文若干卷詩若干卷筆記若干卷余別有品次茲不具論論州志云爾光緒二十七年春二月邑人張學寬書

序

郡邑志乘之作昉於周禮外史之掌方志它如班氏撰地理鄺氏注水經以逮寰宇方輿諸記皆其權輿也攷鏡往古垂誨來葉胥於是乎在吾和志書肇於唐承於宋有明朱黃易康繼之國朝楊夏王劉又繼之書匙傳本版亦蠹朽道光丙申善志告成時稱美備方是時政成年和廢墜具舉城郭宮室關隘橋梁陂塘渠堰之利無不興也修祠表墓崇德報功旌廉獎孝之典罔弗明也風俗益純人材益蔚於戲盛哉自時厥後志事闕度歲越

直隸和州志

卷首 序

一

五紀矣當夫髮捻變起忠義之士盡瘁疆場捐軀抗節忠魂毅魄所在皆有而循吏儒林孝子貞婦之芳蹤遺烈無時無之政教軌物事日益增苟非網羅奚免散失同治己巳榮公靜軒嘗承檄續纂洎光緒壬辰周公瑚廷復輟俸修輯並皆成稿迄未校鈐殘簡缺編頻年抱守昔劉知幾柳宗元論當時史館謂坐糜廩祿前後推諉有數十年不成一書者每讀至此輒復慨然已亥春二月石公叔治攝州事以刊志見命三月朱公笏堂回任重申前令照被命之下深慚頑乏曷敢當搜討之任然

以桑梓之邦釣游之所舉半生耳聞而目擊者而使其憑漫湮泯其亦爲昔賢所譏矣爰集同人寫校上尋舊編旁及逸史正其舛互補其脫漏凡所鈔內羣籍畢徵發凡起例輯爲新志經始於己亥三月歲事於辛丑六月凡二十六閱月而成四十年卷創制既竟謹書其歲月於簡端光緒二十七年季夏月郡人高照識

直隸和州志

卷首 序

二

凡例

一正體例是編遵憲頒條例首卷恭紀

皇言爲志十爲目七十有二分水利列河渠志書目列藝文志輿地之祥異人物之仙釋列雜類志用合體裁

一述舊文是編本道光善志五表五書十三列傳增修除增刪分合處悉仍原書之文無損舊志

一訂續編善志修自道光十六年厥後州尊榮公周公兩朝續編茲合爲一書其忠義節烈表及待旌錄所載而採輯未及者是編悉屬增入俾無湮

直隸和州志

卷首 凡例

一

沒

一補闕略善志遺首末二卷又遺沿革表之朝代食貨之漕運蠲賑藝文之金石雜類之辨謠及舊志他書所見者是編悉爲補入以成完帙

一刪繁冗善志輿地所載詩賦多從歷陽典錄鈔入類皆流連光景之作是編概從刪去以歸簡潔其一事複見一人重出者悉照此例

一存掌故善志食貨武備各書均起自前明是編攷秦漢以來增輯之用備掌故至我

朝之蠲賑

恩膏疊沛尤不敢付之闕如

一詳徵引是編徵引之書惟善志舊載者不注出處其增刪分合者沿革職官二表則均在本條標出其餘悉於按語之下注明俾便觀覽

一攷譌誤善志譌舛之處如形勢之瓦梁沿革之雍邱龍亢諸縣古蹟之韓縱山李鵲數城兵事之蘇峻反劉裕起兵及陳光大五年數條之類是編悉爲辨正其稍涉兩可者則姑存之不敢妄動

一避

廟諱是編凡人名以及文字內遇有

直隸和州志

卷首 凡例

二

列聖廟諱則用他字恭代如臧閔王志閔孫炎王炎吳澧徐世連盛尙連黎宏業趙貞宏治崇正之類概敬避

一綴遺佚是編凡呈報期遲及書成後搜剔叢殘所得者爲作補遺一卷惟職官志表州胥履歷無稿縣志未修表無稽考並有缺載自維謫陋掛漏良多巨製鴻裁深有企夫來者

直隸和州志助刊職名

直隸和州志

卷首 助刊職名

一

石錦文國學有學 鷹洋叁拾圓

直隸和州志目錄

皇言紀

輿地志

卷一 星野 疆域

卷二 沿革 卷三 圖說

卷四 山川 風俗 城池

卷五 壇廟 古蹟

河渠志

卷六 江 運河 水利

食貨志

直隸和州志 卷首 目錄

一

卷七 田賦 戶口 徭役 漕運 關稅

學校志

卷八 祀禮 崇封 考 義學 書院 學田

武備志

卷九 兵制 卷十 兵事

職官志

卷十一 職官表 卷十二 名宦一

卷十三 名宦二

選舉志

卷十四 科第表 卷十五 貢貢表

卷十六 仕進表	卷十七 封襲表
人物志	
卷十八 鄉賢	卷十九 宦績
卷二十 忠節一	卷二十一 忠節二
卷二十二 儒林	卷二十三 文苑
卷二十四 武功	卷二十五 孝友
卷二十六 義行	卷二十七 隱逸
卷二十八 方技	卷二十九 流寓
人物志列女	
卷三十 賢淑	卷三十一 節烈
直隸和州志	卷首 目錄
卷三十二 貞烈	卷三十三 節孝一
卷三十四 節孝二	
卷三十五 貞孝 孝女 孝婦 才媛	
藝文志	
卷三十六 經類 史類 金石 子類 集類	
雜類志	
卷三十七 祥異	卷三十八 仙釋
卷三十九 撫記	卷四十 雜錄
補遺	

直隸和州志卷首
皇言紀
世祖章皇帝詔諭
順治元年
奉
天承運
皇帝詔曰我國家受
天眷祐肇造東土
烈祖邁圖鴻緒
皇考彌廓前猷遂舉舊邦誕膺
直隸和州志
卷首
皇言紀
新命追朕嗣服雖在冲齡締念紹庭永綏厥位頃緣
氛游熾極禍明朝是用託重親賢救民塗炭乃方馳
鼓旋奏澄清既解倒懸非富天下而王公列辟文武
羣臣暨軍民耆老合詞勸進懇切再三乃於今年十
月初一日祇告
天地
宗廟
社稷即皇帝位仍建天下之號曰大清定鼎燕京紀元
順治緬惟峻命不易創業尤艱況當改革之初更屬變
通之會爰乃酌今準古揆天時人事之宜庶幾吏習民

安彰

祖功

宗德之大所有合行條例臚列如左

順治二年江南臣附天下蕩平

詔曰光岳合而泰階平南北一而兵爭息越稽往古靡不同符本朝立國有年幅員既廣醇樸爲治無意并兼向來疆場構兵本欲言歸於好不期寇凶極禍明運永終於是整旅入關代爲雪恥猶以賊渠未殄不遑起居隨命二王誓師西討而南中乘釁立君妄僭尊號罔聞國卹亟行亂政重困民氓負四海不義之名阻東南向化之路朕用是夙夜祇懼思救焚黎故西賊既摧旋行南伐上託

直隸和州志

卷首

皇言紀

二

祖宗之休烈定國大將軍豫王扶義而東兵無頓刃河北河南次第歸誠甫克維揚隨平江左金陵士女紹我天休既獲福藩南土略定從此輕徭薄賦可漸進於昇平將來制度考文冀徐興於禮樂朕念峻命之不易悼斯民之孔艱深切痼瘼宜矜註誤特宏大資嘉興維新所有河南江北江南浙江等處地方合行恩例具列於後於戲陟禹跡而方行大統斯正撫殷遺而若保天下爲家既定亂而安民惟更化而善俗敬敷朕志式慰輿情

有幹有年仍服先疇之樂利無反無側共遵王道之蕩平布告多方想宜知悉

順治六年

上諭自兵興以來地多荒蕪民多逃亡流離無告深可憫惻著戶部都察院傳諭各撫按轉行道府州縣有司凡各處逃亡人民不論原籍別籍必廣加招徠編丁保甲俾之安心樂業查本地方無主荒田州縣官給以印信執照開墾耕種永准爲業俟耕至六年以後有司官親察成熟畝數撫按勘實奏請奉旨方議徵收錢糧其六年以前不許開徵不許分毫僉派差役如縱容衙官衙

直隸和州志

卷首

皇言紀

三

役鄉約甲長借端科害州縣印官無所辭罪務使逃民復業田地開墾漸多各州縣以招民設法勸耕之多寡爲優劣道府以善處貴成催督之勤惰爲殿最每歲終撫按分別具奏載人考成該部院速頒速行

順治十三年

上諭禮部朕惟治天下必先正人心正人心必先黜邪術儒釋道三教並垂皆使人爲善去惡反邪歸正遵王法而免禍患此外乃有左道惑眾如無爲白蓮聞香等教名色起會結黨夜聚曉散小者貪圖財利恣爲姦淫大者招納亡命希謀不軌無知小民被其引誘迷罔顛狂

至死不悟。歷考往代覆轍昭然。深可痛恨。向來屢行禁飭。不意餘風未殄。墮其邪術者。實繁有徒。京師輦轂重地。借口進香。張幟鳴鑼。男女雜糅。喧闐街巷。公然肆行。無忌。若不立法嚴禁。必爲治道大蠹。雖倡首奸民。罪皆自取。而愚蒙陷網。羅辟不無可憫。爾部大揭榜示。今後再有踵行邪教。仍前聚會。燒香。斂錢。號佛等事。在京著五城御史及地方官在外著督撫按道有司等官。設法緝拿。窮究奸狀。於定律外加等治罪。如或徇縱。養亂。爾部卽指參處治。特諭。

聖祖仁皇帝詔諭

直隸和州志

卷首

四

順治十八年

奉

天承運

皇帝詔曰我國家受

天眷命

祖功

宗德肇造丕基我

皇考大行皇帝盛德至仁。英姿大度。續承曆數。統一寰區。

恩澤洽於多方。政教臻於上理。方期邦國永底雍熙。不

幸奄棄臣民遽升

龍馭顧茲大寶屬以藐躬朕兢兢在疚本不忍聞而諸王貝勒大臣文武官員人等僉謂神器既已攸歸天位不宜久曠堅請再三朕是以俯徇輿志勉抑哀衷於是月初九日祇告

天地

宗廟

社稷卽皇帝位仰惟

上天眷祐之篤

祖宗付託之隆涼德冲齡膺茲重寄敬圖觀光揚烈用紹無疆之休其以明年爲康熙元年與天下更始式衍舊

直隸和州志

卷首

皇言紀

又四

恩聿宏新化所有台行事宜開列於後

康熙四年

上諭總督巡撫皆係倚任重臣若秉躬清正爲下官表率使民生得所始可稱能副倚任之意這種種禮物俱以爲常例各督撫反稱某州縣上等某州縣下等按定數目公然收受州縣官員俱自民間派取餽送以致生民至於極窮若上官果能清正下官何敢私派於民民若止納定額錢糧安得至於極窮觀今民生困窮皆由上官作此等種種弊端所致甚明以後各督撫如再不改此等弊端仍然踵行著科道官采訪指名糾參定行從

重治罪決不饒恕其司道府廳各官亦行此項弊端不改仍取之州縣各官州縣各官有不革此陋習仍私派取於民者著督撫不時嚴察參奏若徇情不行參奏經科道糾參或旁人出首將不糾參之督撫一併從重治罪爾部院通行直省曉諭

康熙九年

上諭禮部朕惟至治之世不專以法令爲務而以教化爲先其時人心醇良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不先是舍本而務末也近見風俗日

直隸和州志

卷首

皇言紀

五

敝人心不古甞陵成習僭濫多端狙詐之習日工獄訟之興靡已或豪富凌轢孤寒或劣紳武斷鄉曲或惡衿出入衙署或蠹棍詐害善良崔苻之劫掠時聞警忿之殺傷屢見陷罹法網刑所必加誅之則無知可憫宥之則憲典難寬念茲刑辟之日繁良由化道之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學謁法律以儆愚頑明禮讓以厚風俗務本業以定民志訓子弟以禁非爲息誣告以全善良誠高逃以免株

連完錢糧以省催科聯保甲以弭盜賊解警急以重身命等項作何訓迪勸導及作何責成內外文武該管各官督率舉行爾部詳察典制定議具奏特諭

康熙十四年

上諭一自用兵以來軍需浩繁直省地方百姓供億煩苦深可憫惻各該督撫務須潔己率屬加意撫綏嚴禁有司勿得橫徵私派及借端供應兵馬需索科斂官吏分肥如有此等弊端該督撫卽行據實指參如或徇庇別經發覺並該督撫一併從重治罪

康熙三十年

直隸和州志

卷首

皇言紀

又五

上諭戶部朕撫馭區宇三十年以來早夜圖維惟以愛育蒼生俾咸臻安阜爲念比歲各省額徵錢糧業已次第蠲豁其歲運漕米向來未經議免朕時切軫懷所有京通各倉米穀樽節支給數載於茲今觀歷年儲積之粟恰足供用應將起運漕糧逐省蠲免以舒民力除河南省明歲漕糧已頒諭免徵外湖廣江西浙江江蘇安徽山東應輸漕米著自康熙三十一年始以次各蠲免一年至江寧京口杭州荊州大兵駐防地方亦應豫行積貯著將康熙三十一年起運三十年漕米各截留十萬石存貯倉廩令該地方官敬慎守視以備需用爾部卽

遵諭行特諭

御製守令箴

五等封建古今異宜郡縣之制百王同規壤地勢互提封禁峙大者一州小則百里有社有稷有民有人守令何職職茲拊循勸農課桑宣條設教偃風以德從星惟好毋營筐篋毋急簿書惻惻之治歲計有餘莫高匪天而卑其聽莫愚匪民而智其性民不可掩天不可欺一之不慎而戚自貽稽古治效嘉禾瑞麥勉能其官紹休前跡

世宗憲帝詔諭

直隸和州志

卷首

皇言紀

六

康熙六十一年

奉

天承運

皇帝詔曰惟我國家受

天統祐

太祖

太宗肇造區夏

世祖章皇帝統一疆寓我

皇考大行皇帝臨御六十一年德茂功高文經武緯海宇

寧謐曆數悠長不謂謝棄臣民遽升

龍馭親授神器屬於藐躬朕

皇考大行皇帝

德妃之子昔皇二子弱齡建立深為

聖慈鍾愛寢處時依恩勤倍篤不幸中年神志昏憤病類

風狂

皇考念

宗社重任付託為艱不得已再行廢斥待至十有餘年沈疾如故痊可無期是以

皇考升遐之日

詔朕繼承大統朕之昆弟子姪甚多惟思一體相關敦睦

直隸和州志

卷首

皇言紀

七

罔替共享昇平之福永圖磐石之安孔子曰三年無改於父之道我

皇考臨御以來良法美政萬世昭垂朕當永遵成憲不敢少有更張何止三年無改至於

皇考知人善在至明至當內外諸大臣朕方亟資翊贊以期終始保全務宜竭盡公忠恪守廉節俾朕得以加恩

故舊克成孝思儻或不守官箴自干國紀既負

皇考簡拔委任之恩又負朕篤愛大臣之誼部院屬吏直省有司亦宜實心任事潔已奉公不得推諉上官自曠

厥職天下百姓受

皇考恩澤日久錫賑頻施勸懲備至間有愚氓甘犯律令
皇考每遇諫決必加詳審爰書累牘披閱靡遺少有可生
之路立施法外之仁凡我百姓各宜孝親敬長畏法懷
刑以副朕仰法

皇考如天好生之意茲因諸王貝勒大臣文武官員人等
貪謂天位不可久虛

宗社允宜早主再三陳請朕勉徇輿情暫抑悲痛於是月
二十日祇告

天地

宗廟

直隸和州志

卷首

皇言紀

八

社稷即皇帝位以明年爲雍正元年仰惟

先志之宜承深望

皇圖之永固通昭新化期行舊恩於戲追慕

前徽繼述無忘於夙夜廣推

聖澤恩膏願被於寰區凡爾親賢文武其共矢盡誠各舒

心膂用紹無疆之業永垂有道之庥布告天下咸使聞

知

雍正元年

上諭朕惟國家首重吏治爾州牧縣令乃親民之官吏治
之始基也貢賦獄訟爾實司之品秩雖卑職任綦重州

縣官賢則民先受其利州縣官不肖則民先受其害膺

茲任者當體朝廷惠養元元之意以愛民爲先務周察

節屋綏輯鄉里治行果有其實循卓自有其名非內聚

賄而外于譽謂之名實兼收也全省吏治如作室然督

撫其棟梁也司道其垣墉也州縣其基趾也書云民爲

邦本本固邦寧夫所以固邦本者在吏治而吏治之本

在州縣苟州縣之品行不端猶基不立則室不固庸有

濟乎

皇考臨御六十一年灼知州縣之重特行引見咨詢明試

至詳至慎其有廉能之員每不次超擢以示鼓勵今海

直隸和州志

卷首

皇言紀

九

內羣黎皆

皇考所懷保也朕膺

宗社重寄思續

皇考之治功惟爾州縣諸臣具有父母斯民之責其爲朕

立之基趾以固邦本焉誠能潔己奉公實心盡職一州

一縣之中興仁興讓教孝教忠恤阜民安刑清訟簡朕

將升之朝宁用作股肱如或罔念民瘼恣意貪婪或腹

削肥家或濫刑逞虐或借刻以爲清或恃才而多事或

諸媚上司以貪位或任縱胥吏以擾民或徇私逞欲以

上虧國帑王章具在豈爾貨歟更有任州縣時私肥已

慶而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民需一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視為成例民何以堪乎嗣後斷宜禁止或被上司察核或被科道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若腹小民之生以飽上官之貪欲冒不測之罪以快一時之奢侈豈砥礪廉隅為民父母之

直隸和州志

卷首

皇言紀

十

通乎爾州縣等官其恪共乃職勿貽罪戾毋謂地遠官卑朕不及察其賢否也特諭

上諭戶部恩賜老人原為崇年尚齒而地方賞老人者每州縣動數千金司府牧令上下通同侵扣吏役復任意需索老人十不得一上負曠典罪不容追今飭令督撫嚴查務令有司親自沿鄉訪察照看據實造冊給發不許絲毫侵扣如仍蹈前弊立即參處如督撫奉行不謹朕若訪出必加失察之罪再老人九十以上者州縣不時存問其孤寡及子孫貧不能奉膳者督撫以至州縣共同設法恤養或奏聞動用錢糧務令得實惠特諭

上諭禮部致治之要首在風化移風易俗莫先於鼓勵良善使人人知彝倫天則之為重忠孝廉節之宜敦古帝王勞來匡直所以納民於軌物者舍是無由也朝廷每遇覃恩詔款內必有旌表孝義貞節之條實係鉅典邇來直省大吏往往視為具文並未廣諮遠訪祇將有力之家屬託賂遺者漫憑郡縣監司之申詳即為題請建坊而山村僻壤窮氓耕織之人或菽水養親天性篤孝或柏舟矢志之死靡他鄉鄰嗟歎為可欽而姓氏不傳於城邑幽光湮鬱潛德消沈者何可勝數爾部即著傳諭督撫學政諸臣嗣後務期各屬搜羅虛公核詢確據本人鄉評實蹟題奏旌獎勿以匹夫匹婦而輕為沮抑勿以富家巨族而濫為表揚以副朕成裕化民實心彰善至意特諭

直隸和州志

卷首

皇言紀

十一

上諭朕臨御以來宵旰憂勤凡有益於民生者無不廣為籌度因念國家承平日久生齒殷繁土地所出僅可賒給偶遇荒歉民食維艱將來戶口日滋何以為業惟開墾一事於百姓最有裨益但向來開墾之弊自州縣以至督撫俱需索陋規致墾荒之費浮於買價百姓畏縮不前往往膏腴荒棄豈不可惜嗣後各省凡有可墾之處聽民相度地宜自墾自報地方官不得勒索胥吏亦